

清同光間外交史料拾遺

九

清同光間外交史料拾遺卷三

軍事

海防

切籌海防必求武备共议緊要應辦事宜折

〔同治十三年〕九月二十七日

謹

奏為海防亟宜切籌武備必求實際謹將緊要應辦事宜

撮敘數條請

飭詳議以期振作恭摺密陳仰祈

聖鑒事竊查日本兵踞台灣番社之事明知彼之理曲而苦於
我之備虛據沈葆楨來函謂現在兵端未開澎湖難

籠等處彼以避風為辭宜防而未宜遽阻然現為籌防
之計購買鉄甲輪船未成李鴻章函述曾致沈葆楨信
並令提督唐定奎只自紮營操練勿遽開仗實以一
經決裂濱海沿江處處皆應設防各之防難恃不
得不慎於發端雖累經奉

旨嚴飭各疆臣實力籌備而自問殊無把握今日而始言

備誠病其已遲今日而再不修備則更不堪設想矣
溯自庚申之衅創鉅痛深當時姑事羈縻在我可
亟圖振作人人有自強之心亦人人為自強之言而迄今
仍並無自強之實從前情事幾於日久相忘臣等承
辦各國事務於練兵裕餉習機器製輪船等議屢
經奏陳籌辦而歧於意見見致多阻格者有之絀
於經費未能擴充者有之初基立而無以繼起久持者
有之同心少異議多局中之委曲局外未能周知切要
之經營移時視為恒泛以致敵警猝來倉皇無備

有鑒於前，不得不思慮於後。現在日本之尋衅生番，其患之已見者也。以一小國之不馴，而備禦已苦無策，西洋各國之觀變而動，患之頻見而未見者也。倘遇一朝之猝發，而弭救更何所憑？及今亟事綢繆，已屬補苴之計。至此仍虛準備，更無求艾之期。惟有上下一心，內外一心，局中局外一心，自始至終，堅苦貞定，且歷之永久，人人皆洞悉底蘊，力事講求，為實在可以自立之計。為實在能禦外患之計。庶幾自强有實，而外侮日消。昔人云：能守而後能戰，能戰而後能和。此人

所共知而今日大局之萬不可緩者也。臣等志心公同商酌謹將緊要應辦事宜撮叙數條請

旨飭下南北洋大臣濱海沿江各督撫將軍詳細籌議將逐條切實辦法限於一月內奏復再由在

廷王大臣詳悉謀議如臣等所擬各條僉議相符即應確切籌辦如各條外別具良策亦即一並奏陳會議均

於議定後請

旨遵行總期實備精求務臻有濟以舒目前當務之亟

以裕

國家久遠之圖。臣等幸甚。天下幸甚。所有請

飭詳議緣由。謹繕摺密陳。並錄臣等擬議各條。恭呈
御覽。伏乞

皇上聖鑒訓示。謹

奏。

復陳沈葆楨等奏統籌台灣應辦事宜以

固东南海防

〔光緒三年〕二月二十四日

奏為遵

旨議奏併案會陳恭摺仰祈

聖鑒事光緒三年正月十九日准軍機處交出軍機大臣面

奉

諭旨沈葆楨李鴻章先後具奏籌議臺灣事宜各一摺著

該衙門議奏欽此並鈔錄原摺知照前來臣等正在會商

議奏間正月二十日奉

上諭丁日昌奏查勘臺灣北路回抵郡城布置大畧情形各

摺片覽奏均悉另摺奏統籌臺灣全局擬開辦輪路礦務另

片奏請另簡熟悉工程大員各等語著總理各國事務衙門

議奏欽此並准軍機處將原奏摺片鈔交到臣衙門臣等會同

閱看沈葆楨李鴻章兩摺及丁日昌摺片同係統籌臺灣

應辦事宜冀維全局現由臣等參觀互核歸併會議請

旨遵行據沈葆楨原摺內稱丁日昌所稱購船練兵礮臺電線

開礦招墾諸務。臣在臺時先後條奏。或奏焉而未及舉。或舉焉而未及成。惟鐵路一端。當時未經議及。而實為臺地所宜行。臺灣煤礦已有權輿。即可收^其輒餘。以開硫磺煤油樟腦諸利。鐵甲水雷眼前姑且從緩。惟招墾^則必不可緩。而口食居室牛種設官各費。誠不能以赤手從事。然農田茶山木厥利源亦逐漸而開。所費正非無著。丁日昌請於江海關借撥銀二十萬兩。當俟下半年竭力籌撥十萬解臺接濟。其餘各

海關請

旨飭下各監督力籌共濟。官為之倡。庶幾公司可成。至專派重臣

竊以為不如責成督撫。蓋礦務墾務他人可以為力。而吏治營政。非督撫斷難為功。臺灣之吏治營政。若不認真整頓。目前之利藪。皆後日之亂階。丁日昌所稱事事創始。非僅住半年即能辦有頭緒。誠非虛語。李鴻章原摺內稱臺灣情形。沈葆楨曾躬親其事。見聞最熟。臣逆為籌度。琉球距臺北十餘里。現日本分兵踞琉球。難保不漸思吞噬。日斯巴尼亞所屬之小呂宋。距臺南僅千數百里。現日國聲稱調兵船來華。難保不遑圖窺伺。幸丁日昌密速布置。欽奉

密諭。已調孫開華方權所部各營赴臺。臣又商催吳贊誠

將赫德代購之龍驤虎威兩砲船由閩駛往協防。丁
日昌所擬以靜待動以柔克剛萬一遇有外侮當可操
縱合宜。若臺灣經久事宜應以舉辦礦務墾務

興利之大端。雖龍驤煤礦開採已有端緒。硫磺煤油樟腦茶
鐵諸利亦應逐漸招商開拓。或借官本或集公司。丁日
昌所稱十年後成本可還。二十年後庫儲可裕。殆非虛語。
招墾人多則經費必多。似須量力經營。不設限制。江海
各關協餉皆屬不敷。擬請

敕部於各關解部四成及所存招商局稅項酌量借助若干。

由丁日昌於興利收回成本時陸續解還部庫至鐵路
電線相為表裏無事時運貨便商有事時調兵通信功用最
大丁日昌到臺後迭次函稱該處路遠口多非辦鐵路電
線不能通血脉而制要害亦無以息各國之垂涎洵篤論
也惟鐵路需費過鉅似須煤鐵開採有效就地取料
工力較省陸路電線則移省度已成之器為之亦尚易為
至購鐵甲船練水雷軍不獨台防需辦南北洋海防尤為亟務且
因海防奉撥額款報解無多尚不敢遽行定購若欲諸務同時並
舉斷斷無此財力若分緩急先後擇要以圖數年當有起色

所請專派重臣督辦一節似不如責成該撫一手經理俟辦有成
效再議督撫輪駐近聞卽鈔袁保恆請改福建巡撫為臺灣巡撫
雖事專屬而臺地兵事餉源實與省城呼應一氣分而為二則
緩急難恃臺防必將坐困亦非計之得者各等語丁日昌原摺
內稱臺灣雖屬海外一隅而地居險要物產豐饒敵之所必欲
爭亦我之所必不可棄深惟目前情形不在兵力之不敷而
在餉需之不足不患番洋之不靖而患聲氣之不通譬如
人之一身其精神血氣本足自強而榮衛失宜以致筋絡不
舒手足痿痺雖有復荃之劑不能為功良醫相其脈絡

治以鉞砭。則沈疴立起。竊以臺事設郡置縣。無益之覆轍也。
輪路礦務。奏功之鉞砭也。輪路宜於臺灣。而不宜於內地。礦
務籌諸現在。即可取效。將來其間形勢互異。利害迥殊。
有可以屈指計者。且滙陳十利十害。言臺灣不辦輪路礦務之
害。如彼。辦輪船礦務之利。如此。復申言有可無慮者七。並稱
臺灣疫重兵疲。民窮變極。防廣則營皆散禁。勇不練而
豈能精。心多則敵易紛乘。險無定而何能扼。餉將竭而備仍
虛。寇已深而謀未定。日本及小呂宋皆逼近臺疆。蓄銳養精。
機深危險。若不未雨綢繆。速將輪路電線練兵購器開礦各

事分投速辦。誠恐猝然有變。非僅止於虛聲囑咐而已。伏惟
聖慈獨斷。飭下總理衙門籌議。有無經費。如何舉行。并請

特簡熟悉工程大員。駐臺經理。俾請詳言而收實效。丁日昌附片內稱

臣前在上海。曾密飭廳縣將洋人私設電線一律拆毀。在閩
將前任督撫與洋人已議合同。由廈門設至有城之電線。買就

拆回。是日。平日於電線輪路等事。本不以為然。惟至臺灣
察看形勢。有必須辦輪路電線礦務而後始能一勞永逸。

前此到臺諸臣。未必不見及此。特以議論新奇。恐招眾謗。臣

此次請辦輪路礦務。人多罕聞罕見。必又集毀招尤。惟輪

路一事。臣但知於臺防相宜。事屬應辦。至於經手議價。以及採

辦物料、設放位置、且於工程大屬隔膜、此舉如因經費難籌、

暫從緩辦、固無庸議、倘事在可行、伏懇

天恩、另簡熟悉工程大員、經理督率、成效方有可觀、至礦務一切、

現已督率臺灣道夏獻綸等次第籌辦、各等語、且等伏

查光緒二年十一月十九日奉

上諭、丁日昌奏臺灣事宜、亟宜統籌全局、並省城臺灣勢難兼顧情形、及擬於臺灣舉辦礦務、整務各摺片、臺灣時勢、今昔懸殊、自宜及早圖維、俾資實濟、丁日昌所擬購鐵甲船、練水雷軍、造砲台、練槍砲隊、開鐵路、建電線、購機器、集公司